



Indgået

18 SEP. 2018

NAMMINERSORLUTIK QOARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
Box 1060 - 3900 Nuuk

Inatsisartunut ilaasortaq Jess Svane, Siumut
/MAANI

**Arfernik angisuunik aalisarnermut atortunik pisisuukkat pillugit § 37
naapertorlugu Naalakkersuisunut apequttip nr. 230-p akineqarnera**

Ulloq: 30-08-2018
Sul. norm.: 2018 - 17110
Akt. nr.: 8583912

Inatsisartut suleriaasianni § 37, imm. 1 naapertorlugu Arfernik angisuunik aalisarnermut atortunik pisisuukkat pillugit Naalakkersuisunut apeqquteqarsimavutit. Apeqquteqaatit suliaasaqarfigisannit akineqartussanngorlugit innersuunneqarput.

Postboks 269
3900 Nuuk
Qqarasuaat (+299) 34 50
00
Fax (+299) 34 63 55
E-mail: apn@nanoq.gl
www.naalakkersuisut.gl

1) Ukiuni kingullerni annertusiartuinnartumik Saarullinnut bundgarnersornermut arferit ajoqutaaleraluttuinnarneri piniutinillu innarliisarneri annertusiartuinnartut pillugit ilisimasat qanoq annertutigippat?

1-imut tunngasoq) Aalisarnermut, Piniarnermut Nunalerinermullu Naalakkersuisoqarfik (APNN) arfernik angisuunik aalisarnermut atortunik pisaqartoortoqaraangat nalunaaruteqarfigineqartarpoq. Piffissami 1998-2017-imi ukiumut agguaqatigiissillugit arferit angisuut marluk aalisarnermut atortunik pisisoorneqartarput / atortunut napittoortartut. Napittoornerit bundgarninut uninngasunut saattussanut pullatinut pisartut nalunaarutinit atuarneqarsinnaavoq. Pisut 80 %-iini qipoqqaat aamma arfiivit napittoortartunit nalunaarutigineqartarput.

Saarullinniutitut bundgarninut qipoqqarnik napinnerit 2015-imi amerleriarbornerat paasineqarsimavoq, qipoqqaat amerliarbornerannik kiisalu annerusumik saarullinnialernermik peqquteqarunartumik.

2. Ilisimasaqalersimagaanni iliuuserineqarsinnaasunik pilersaaruteqartoqarpa?

2-mut tunngasoq) Nunat tamalaat Arfanniarneq pillugu Ataatsimiititaliarsuata (IWC) nalilerpaa arfernik pisaqartoornerit nunarsuaq tamakkerlugu uumasut taakku toqussutiginerpaasaraat. IWC-p tamanna tunuliaqutaralugu suleqatigiissitaliorpoq kiisalu teknikkikkut siunnersortimik atorfinitsitsilluni taassumalu aalisarnermi atortunik arferit pisisuukkanik peersitsiniarnermik aalisartunik nakkutilliisunillu sungiusaasartussamik.

Nunarsuup ilaanit misillitakkat takutippaat arferit pisisuukkat aalisarnermut atortunut napinnikut peersinneqaraangamik aalisarnermut atortunik ajoqusiinnginnerusartut.


2015-imi pisut tunngavigalugit APNN ulluni pingasuni Nuummi juulimi 2016-imi napittunik peersitsiniarnermik pikkorissaavoq ulloq ataaseq atuarfimmeeriarlutik ullut marluk avataaniillutik kiisalu napittunik peersitsiniaanermi atortunik pisiniarlutik. Atortut taakku maanna Piniarnermik Aalisarnermillu Nakkutilliisut najukkaminni atortoraat.

Sungiusaaneq Naalakkersuisoqarfiup piniarnermut immikkoortortaqarfianit aaqqissuunneqarpoq Kalaallit Nunaanni Aalisarnermut Akuersissutinik Nakkutilliisoqarfimmit kiisalu aalisartunik, arfannianit, aalisarnermik piniarnermillu nakkutilliisunik 18-inik peqataaffigineqarluni.

Pikkorissaanermi aamma peqataasut ilisimasaminnik oqaloqatigiinnissaannik periarfissinneqarput misilittagaasimasunillu katersisoqarluni periusissamik inerisaanissaq siunertaralugu, taamaalillunilu aalisartunut (aalisaatiminnik ajoqusiinerit, aalisarnissamik piffissamik annaasaqarnermik kiisalu minnerunngitsumik pisaqanngitsoornerit isertitassanillu annaasaqarnerit eqqarsaatigalugit) arfernillu kingunipiloqartussaagaluanik pinngitsoortitsisinnaassallutik.

Aammattaaq ilisimatitsissutigisinnaavara Kalaallit Nunaat IWC aqutigalugu IWC-p ataani peersitsiniarnermik suleqatigiinnut nunarsuaq tamakkerlugu attaveqaqatigiinnut ilaamat, tassanngalu pisut taama ittut pillugit siunnersuisoqartarlunilu inassuteqaateqartarpoq.

Inussiarnerisumik inuulluaqqusillunga



Erik Jensen

Aalisamermut, Piniamermut Nunalerinermullu Naalakkersuisoq